

醫
案
存
真
三



363
葉氏醫案存真

元孫萬青校刊

夏至陰氣不生乃損不能復矣今當大熱氣泄愈甚百脈諸氣皆空脂液盡耗難望再醒爲寒爲熱無非身中陰陽互乘陽由陰上越則頂巔痛風木之火入中則嘔逆嗆咳總之液涸神竭進兩儀煎瓊玉膏扶至稍涼再爲斟酌

麥冬 竹葉 人參 烏梅肉 大麥 鮮荷葉汁
水煎澄冷服

初春脈動而不鼓亦收藏之司淺矣壯年未育晨吐黑痰皆水虧火炎精氣不充之象胃旺能納穀當專理下焦不必以痰爲慮

牛骨髓 羊骨髓 海參膠 線魚膠 龜鹿膠

芡實 菟絲粉 金櫻子粉 五味子 家韭子

大熟地 遠志肉 建蓮肉 淡菜膠 熟苜烏

覆盆子

下寒便難不寐液涸陽不潛伏用辛甘化風

熟地 歸身 肉桂 枸杞 懷牛膝 白芍



扶苓 甘菊 從蓉 柏子仁

程舜文令郎 男子思念未遂陰火內熾五液日奪但
孤陽升騰薰蒸上竅已失交泰之義此非外來之症凡
陰精殘憊務在胃旺納穀生陰今咽喉耳鼻諸竅久遭
陰火之逼寒涼清解僅調六氣中之火而臟真陰火乃
閃電迅速莫遏清涼必不却病良由精血內空草木藥
餌不能生精充液耳

猪脊髓 阿膠 川斛 天冬 生地

胡撲菴 脈動於右氣熱易升陰不上承能食不能充

津液入春嗽血不止養少陰之陰勿苦降礙胃

雞子黃 阿膠 生地 炒 柏葉 炒黑 麥冬 茜草

轉方加天冬 抱木茯神

上假熱下真寒肝腎大虛用加減八味丸

熟地 茯苓 丹皮 山藥 五味 當歸

脈濇無神便溲食少肛有瘡瘍兩月未合已成漏症延綿竟有痼疾之虞近日瞋怒氣擾中焦隱痛至於耗氣劫奪萬難再餌議進東垣益氣湯減黃芪加木瓜白芍煨薑南棗以制肝木



371.

脈數多遺脊痠腰墜此督任失固非通不能入脈非滯

無以填精色蒼形瘦不宜溫補

熟地 牡蠣 遠志 五花龍骨 五味 茯苓

芡實 山藥 羊腎脊髓

肝腎兩虧虛火燦金用納氣法

熟地 牛膝 白芍 青鉛 童便 山藥

脈數小不飢痰多陰虛伏熱

滑石 麥冬 竹葉 連翹 杏仁 鮮生地

陰液枯槁陽氣獨升心熱驚惕條熱汗泄議用復脈湯

374.

373.

372.



甘以緩熱充養五液

人參 阿膠 炙草 麥冬 牡蠣 麻仁

細生地

脈大不斂神迷嚙語陰陽不相交合爲欲脫之象救陰
無速功急宜鎮固陰陽冀其甦息

生龍骨 生牡蠣 人參 阿膠 茯神 淮小麥

留熱未清營液已耗但論清邪恐神索氣奪臑滯陰藥
防餘熱癰瘍議理心之用亦清補之意

人參 麥冬 竹心 淮小麥

心中空洞下焦寒冷兼有遺精便溏議用三陰補方

人參

山藥

炒

茯神

五味

杞子

炒

建蓮

線魚膠

熟地

炒

脾胃陽微不運寒痰噫氣腎虛陰走遺精無夢

人參

山藥

炒

熟地

建蓮

生牡蠣

龍骨

杞子

麋角膠

男子脈大為勞暑月陽不伏藏初夏陽升血溢皆內損

少固填精固氣是為藥餌靜攝絕慾經年可復

線魚膠

真沙苑

五味

龜版

茯神

淡菜膠



380
金櫻膏 石蓮 芡實

陳 纔交春三月每夜寒熱渴飲汗出是皆陰損於下
孤陽獨自上胃也虛勞兼有漏瘍加以情懷悵鬱損傷
不在一處少腹及腰肋痛議治在肝胃之間

381
桃仁 旋覆花 丹皮 新絳 青葱 柏子仁

許友官 幼年瘍潰成漏後天不能充長其吐血後嗽
不止夜熱晨汗熱止日見色奪肉消減食惡心便溏乃
勞怯陰陽中下並傷草木藥餌何能挽回生生真氣難
效之症

382

人參 山藥 芡實 炙草 五味 熟地炭

寒熱半年少時色黃氣短欬嘔是內損營衛迭偏勞怯

重病

人參 茯苓 黃芪 炙草 煨薑 南棗

汪正中 填固包舉遺精已緩新正勞煩氣洩病後神

耗精奪當此升泄氣候以安神固攝法

桑螵蛸 金櫻子粉 茯神 人參 生龍骨

當歸身 金箔 龜板

陳升葵弟 勞病先傷陰氣繼而陽傷夏季脾胃不和

384

383



臍脹腹鳴晨泄凡陽虛外寒陰虛熱蒸皆虛不肯復元
之象非草木可爲病人述腹中氣通小愈用藥當宗此
旨

人參 穀芽 茯苓 白芍 炙草 新會皮

右瘕舌瘡足痺頭岑面載陽呵欠微哕診脈小濡而緩
此腎納失司肝風震突但病起耳後暴腫必兼溫熱客
氣清上輕揚腫勢頗減七日以來當陰陽經氣一小周
天不必以時邪引病爲惑昔河間宣明方論中謂舌強
難言其咎在乎舌下筋脈不主流動以腎脈榮及舌本



耳其主地黄飲子取意濁藥清投機關漸靈并無礙乎
上氣痰熱做此為法

熟地

肉苁蓉

漂淡

遠志

炒黑

川石斛

茯神

枸杞子

牛膝

石菖蒲

脈象左部稍振水虧木中風動左牙痛蓋風從內旋乃
陽之化風祇以春深地氣上升之候多升少降無非下
元不司收納虛証何疑况因目恙頻用韭子烟薰查本
草藥性辛辣升騰助陽孫真人於遺濁用之藉其升陽
以涵陰更無漏泄耳今瘳中八日聲音漸振者乃精氣



畧有寧靜裏竅畧有靈機是順境也乃不明此理仍用
 辛以泄氣加人參亦是清散上焦之藥以肝腎藏虛在
 於至陰若再投辛以傷其陰必致虛症蜂起焉望其向
 安倘必以上有火熱古稱實火宜清虛火宜補溫養柔
 和與溫熱剛燥迥異幸勿疑訝

生地

川斛

麥冬

茯神

阿膠

女貞子

十二日來干支一輪右肢痿木右跗足畧有痛象舌竅
 未靈味少甘美虛象顯然三日前主家以齒痛為熱醫
 迎主見即投辛涼解散此症虛在肝腎下焦若不固納

維本漫無着落仍以前法加入涼肝可也

熟地 枸杞 牛膝 遠志肉 茯神 川斛

天冬 甘菊炭

張石頑治春榜趙明遠平時六脈微弱已酉九月患類
中風經歲不痊邀石頑診之其左手三部弦大而堅知
爲腎藏陰傷壯火食氣之候且人迎斜內向寸又爲三
陽經滿溢入陽維之脈是不能無顛仆不仁之虞右手
三部浮緩而氣口以上微滑乃痰沫壅塞於鬲之象以
清陽之位而爲痰氣占據未免侵漬心主是以神識不

清語言錯悞也或者以其神識不清語言錯悞口角常有微涎目睛恒不易轉以爲邪滯經絡而用祛風導痰之藥殊不知此本腎氣不能上通於心心藏虛熱生風之症良非燥藥所宜或者以其小便清利倍常以爲腎虛而用八味壯水之劑殊不知此症雖虛而虛陽伏於肝臟所以陽事易舉飲食易飢又非益火銷陰藥所宜或者以其向患休息久痢大便後常有淡紅漬沫而用補中益氣殊不知脾氣陷於下焦者可用升舉之法此陰血久利之餘疾有何清氣在下可升發乎若用升柴

升動肝腎虛陽鼓激高上痰飲能保其不爲喘脹逆滿
之患乎是升舉藥不宜輕服也今舉河間地黃飲子助
其腎通其心一舉而兩得之但不能薄滋味遠房室則
藥雖應病終無益於治療也惟智者善爲調攝爲第一

義

熟地 巴戟天 菝葐 山萸肉 茯苓 薄荷

淡熟川附 肉桂 五味子 麥冬 川石斛

遠志 鮮石菖蒲

脈左大右濡肝風震動陽明脈空舌強肢更是屬中絡

議用緩肝熄風

連翹 丹參 元參 茯神 細生地 羚羊角

頭痛累月陽脈大陰脈濇此陰衰於下陽亢於上上盛下虛之候也陽氣居上體本虛也而濁氣干之則實陰氣居下體本實也而氣反上逆則虛頭爲清陽之位而受濁陰之邪陰陽混亂天地否塞而成病矣法用六味地黃湯加青鉛五錢

頭痛經年不愈早則人事明了自午至亥神氣昏憤不寧風火之劑雜治無功兩脈俱沉且滑此太陰陽明痰

